

Nsulo wa Thirasiti na Vulandzelelanawu bya Xibalo

Tshwane, ti 09 Dzivamisoko 2026 – Vukorhokeri bya Xibalo bya Afrika-Dzonga (SARS) byi tsundzuxa tithirasiti hinkwato leti tsarisiweke eAfrika-Dzonga leswaku, ku ya hi nawu wa xibalo, ti laveka ku rhumela Mitlheriso ya Xibalo xa Malinghena lembe rin'wana na rin'wana ra nhlahluvo. Xiboho lexi xi tirha na loko thirasiti yi nga ri na nghingiriko wa swa ikhonomi enkarhini wa lembe leri faneleke.

Laha thirasiti yi nga ha tirhisiwiki mayelana na xikongomelo xa yona, valawulathirasiti va hlohloteriwa ku herisa xinawu thirasiti hi ku tirhisa Hofisi ya Mulawuri wa Khotokulu (Mulawuri). Endzhakukaloko Mulawuri a humesile ntiyisiso wo tsariwa wa heriso, valawulathirasiti va fanele va kombela SARS ku sula thirasiti mayelana na swikongomelo swa xibalo xa malinghena. Phurosesa leyi yi pfuneta eku siveleni ka nsindziso lowu nga fanelangiki wa mixupulo ya vulawuri leyi sukaka eka nkavulandzelelanawu lowu yaka emahlweni.

Hambileswi Nawu wa Ndzawulo wa Nhundzu ya Tithirasiti wu nga hlamuseli erivaleni phurosesa ya nsulo, Mulawurinkulu u humesile xileriso hi 2017 ku nyika nhlamuselo eka endlelo leri faneleke ku landzeleriwa. **Swa nkoka, valawulathirasiti va fanele ku sungula va tumbuluxa no lulamisa xiyimo xa vulandzelelanawu xa xibalo xa thirasiti na SARS va nga se tshunelela Mulawuri mayelana na nsulo.**

Valawulathirasiti va tirha tanihi vayimelavahakelaxibalo va thirasiti ku ya hi Nawu wa Xibalo xa Malinghena naswona va fanele va tiyisisa leswaku mitlheriso ya xibalo leyi kayiveleke, tihakelo, na swiboho leswi xakelanaka na xibalo swa ololoxiwa hi ku helela ku nga si komberiwa heriso eka Mulawuri na nsulo eka SARS. Eka swiyimo swin'wana, SARS yi nga kolota thirasiti vuyiselo wa xibalo. Endzhakukaloko thirasiti yi herisiwile hi Mulawuri, yi yima ku hanya hi ndlela ya xinawu, ku fana na Hofisi ya Vulawulathirasiti. Eka swiyimo sweswo, SARS a yi koti ku phurosesa hi ndlela ya xinawu kumbe ku hakela mivuyiselo yihi na yihi leyi kolotiwaka thirasiti.

Valawulathirasiti kwalaho va hlohloteriwa ku landzelela nandzelelano lowu lulameke: ku tiyisisa no lulamisa timhaka ta xibalo na SARS ku sungula, no ya emahlweni ntsena na heriso eka Mulawuri. Endlelo leri ri hlayisa vulandzelelanawu no sirhelela valawulatithirasiti eka swikweleti swa vona vini leswi nga vaka kona. Leswi swi tlhela swi tiyisisa leswaku vuyiselo wihi na wihi mayelana na thirasiti wu endliwa hi nkarhi.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.

MAKUMU